

গ্রহীতা ও পরিচর্যাকারীদের জন্য তথ্য  
কমিনেটি (Cuh-mir'-na-tee)  
(কোভিড-19 ভ্যাকসিন, mRNA)  
(2023-2024 ফর্মুলা)

এই সারসংক্ষেপটি আপনার স্বাস্থ্যসেবা প্রদানকারীদের সাথে কথা বলার বিকল্প হিসেবে তৈরি করা হয়নি। আপনার যদি কোনো প্রশ্ন থাকে বা আপনি যদি আরো তথ্য পেতে চান, তবে অনুগ্রহ করে আপনার স্বাস্থ্যসেবা প্রদানকারীর সাথে কথা বলুন।

**কমিনেটি কী?**

কমিনেটি হলো এমন একটি ভ্যাকসিন যা কোভিড-19 থেকে সুরক্ষিত রাখতে 12 বছর ও তার বেশি বয়সী লোকজনের জন্য ব্যবহার করা হয়।

ভ্যাকসিন গ্রহণকারী সকল লোকজনকে কমিনেটি সুরক্ষা নাও দিতে পারে।

কমিনেটিতে কোভিড-19 সৃষ্টিকারী ভাইরাস SARS-CoV-2 থাকে না। কমিনেটির কারণে আপনার কোভিড-19 হবে না।

**কার কমিনেটি গ্রহণ করা উচিত নয়?**

আপনার কমিনেটি গ্রহণ করা উচিত নয়, যদি আপনার:

- কমিনেটি বা ফাইজার-বায়োনটেক কোভিড-19 ভ্যাকসিন-এর পূর্ববর্তী কোনো ডোজ গ্রহণ করার পর তীব্র অ্যালার্জিক প্রতিক্রিয়া হয়ে থাকে<sup>1</sup>
- এই ভ্যাকসিনগুলোর যেকোনো উপাদানের প্রতি তীব্র অ্যালার্জিক প্রতিক্রিয়া (কমিনেটিতে থাকা উপাদানগুলো কী কী? দেখুন)

**কমিনেটি গ্রহণের পূর্বে, আপনার চিকিৎসা সংক্রান্ত সকল অবস্থা সম্পর্কে ভ্যাকসিন সরবরাহকারীকে বলুন, তার মধ্যে যদি:**

- আপনার কোনো অ্যালার্জি থাকে
- আপনার যেকোনো কোভিড-19 ভ্যাকসিন-এর পূর্ববর্তী ডোজ গ্রহণ করার পর তীব্র অ্যালার্জিক প্রতিক্রিয়া হয়ে থাকে
- আপনার মায়োকার্ডাইটিস (হৃদপেশিতে প্রদাহ) অথবা পেরিকার্ডাইটিস (হৃদপেশির বাইরের আস্তরণে প্রদাহ) থেকে থাকে
- আপনার জ্বর থাকে
- আপনার রক্তক্ষরণের সমস্যা থাকে অথবা রক্ত পাতলা হয়
- আপনার রোগ প্রতিরোধ ক্ষমতা দুর্বল থাকে অথবা আপনি এমন কোনো ঔষধ ব্যবহার করেন যার প্রভাব রোগ প্রতিরোধ ক্ষমতার উপর পড়ে
- আপনি গর্ভবতী হন অথবা আপনি সন্তান ধারণের পরিকল্পনা করেন
- আপনি বুকের দুধ খাওয়ান
- আপনি অন্য COVID-19 ভ্যাকসিন নিয়ে থাকেন
- কখনো কোনও ইনজেকশন নেওয়ার পর আপনি অজ্ঞান হয়ে থাকেন

**কমিনেটি কীভাবে দেওয়া হয়?**

মাংশপেশিতে ইনজেকশনের মাধ্যমে কমিনেটি দেওয়া হয়।

<sup>1</sup> ফাইজার-বায়োনটেক কোভিড-19 ভ্যাকসিন (আসল মনোভ্যালেন্ট) ও ফাইজার-বায়োনটেক কোভিড-19 ভ্যাকসিন, বাইভ্যালেন্ট-এর মতো একই উপায়ে কমিনেটি (2023-2024 ফর্মুলা) তৈরি করা হয়, তবে SARS-CoV-2 অমিক্রন ভারিয়েন্ট লাইনেজ XBB.1.5 (অমিক্রন XBB.1.5)-এর স্পাইক প্রোটিন এনকোড করে।

## কমিনেটির সম্ভাব্য ঝুঁকিসমূহ কী কী?

কমিনেটির কারণে তীব্র অ্যালার্জিক প্রতিক্রিয়া হওয়ার যৎসামান্য সম্ভাবনা রয়েছে। সাধারণত ডোজ নেওয়ার কয়েক মিনিট থেকে 1 ঘণ্টা সময়ের মধ্যে তীব্র অ্যালার্জিক প্রতিক্রিয়া হতে পারে। এই কারণে আপনার ভ্যাকসিন সরবরাহকারী আপনাকে টিকা দেওয়ার পরে পর্যবেক্ষণের জন্য ভ্যাকসিন নেওয়ার স্থানে থাকতে বলতে পারেন। মারাত্মক অ্যালার্জিক লক্ষণগুলোর মধ্যে থাকতে পারে:

- শ্বাস কষ্ট
- আপনার মুখ ও গলা ফুলে যাওয়া
- হৃদস্পন্দন বেড়ে যাওয়া
- সারা শরীরে খারাপ ফুসকুড়ি হওয়া
- মাথা ঘোরা ও দুর্বলতা

কমিনেটি ও ফাইজার-বায়োনটেক কোভিড-19 ভ্যাকসিন সহ mRNA কোভিড-19 ভ্যাকসিন গ্রহণকারী কিছু কিছু লোকের ক্ষেত্রে মায়োকার্ডাইটিস (হৃদপেশিতে প্রদাহ) এবং পেরিকার্ডাইটিস (হৃদপেশির বাইরের আন্তরণে প্রদাহ) দেখা দিয়েছিল। 12 থেকে 17 বছর বয়স্ক লোকজনের ক্ষেত্রে কমিনেটি গ্রহণের পরে মায়োকার্ডাইটিস ও পেরিকার্ডাইটিস হওয়ার বিষয়টি খুব সাধারণ ছিল। এই ধরনের অধিকাংশ লোকের ক্ষেত্রে, ভ্যাকসিন গ্রহণের কয়েকদিনের মধ্যেই উপসর্গগুলো দেখা দেওয়া শুরু করে। তবে এটি হওয়ার সম্ভাবনা খুবই কম। ভ্যাকসিন নেওয়ার পর, বিশেষ করে আপনি বা আপনার শিশু ভ্যাকসিনের কোনো ডোজ নেওয়ার পরবর্তী 2 সপ্তাহের মধ্যে যদি নিম্নলিখিত লক্ষণগুলোর মধ্যে কোনোটি দেখা দেয় তবে দ্রুত চিকিৎসকের শরণাপন্ন হওয়া উচিত:

- বুক ব্যথা
- শ্বাস গ্রহণে সমস্যা
- হৃদস্পন্দন বেড়ে যাওয়া, বুক ধড়ফড় করা বা বুক ধুকপুক করা

কমিনেটি বা ফাইজার-বায়োনটেক কোভিড-19 ভ্যাকসিনগুলোর যেসকল পার্শ্ব-প্রতিক্রিয়া রিপোর্ট করা হয়েছে সেগুলোর মধ্যে রয়েছে:

- তীব্র অ্যালার্জিক প্রতিক্রিয়া
- মারাত্মক নয় এমন অ্যালার্জিক প্রতিক্রিয়া যেমন ফুসকুড়ি, চুলকানি, লাল হয়ে ফুলে যাওয়া বা মুখমণ্ডল ফুলে যাওয়া
- মায়োকার্ডাইটিস (হৃদপেশিতে প্রদাহ)
- পেরিকার্ডাইটিস (হৃৎপিণ্ডের বাইরের আন্তরণে প্রদাহ)
- ইনজেকশনস্থলে প্রতিক্রিয়া: ব্যথা, ফুলে যাওয়া, লাল হয়ে যাওয়া, বাহুতে ব্যথা
- সাধারণ পার্শ্ব-প্রতিক্রিয়াসমূহ: ক্লান্তি, মাথাব্যথা, শীত লাগা, অস্থিসন্ধিতে ব্যথা, জ্বর, বমিবমি ভাব, অসুস্থ বোধ করা, লসিকার নোড ফুলে যাওয়া (লিম্ফ্যাডেনোপ্যাথি), ক্ষুধামন্দা, ডাইরিয়া, বমি হওয়া, মাথা ঘোরানো
- ভ্যাকসিনের ইনজেকশন দেওয়ার সাথে সংশ্লিষ্ট মূর্ছা যাওয়া

শুধুমাত্র এগুলোই কমিনেটির সম্ভাব্য সব পার্শ্ব-প্রতিক্রিয়া নাও হতে পারে। আপনাকে উদ্বিগ্ন করে এমন অন্য কোনো পার্শ্ব-প্রতিক্রিয়ার ব্যাপারে আপনার স্বাস্থ্যসেবা প্রদানকারীকে জিজ্ঞেস করুন।

ভ্যাকসিন সম্পর্কিত পার্শ্ব-প্রতিক্রিয়া সম্পর্কে FDA/CDC ভ্যাকসিন অ্যাডভার্স ইভেন্ট রিপোর্টিং সিস্টেম (VAERS)-এর কাছে রিপোর্ট করুন। VAERS-এর টোল ফ্রি নম্বর হল 1-800-822-7967 অথবা অনলাইনে জানান <https://vaers.hhs.gov/reportevent.html> এই ঠিকানায়।

এছাড়াও, আপনি 1-800-438-1985 নম্বরের মাধ্যমে বা [www.pfizersafetyreporting.com](http://www.pfizersafetyreporting.com)-এর মাধ্যমে Pfizer Inc.-এ পার্শ্ব-প্রতিক্রিয়া সম্পর্কে রিপোর্ট করতে পারেন।

## আপনি যদি সন্তানসম্ভবা হন বা শিশুকে স্তন্যপান করান তবে কী হবে?

যদি আপনি গর্ভবতী হন বা বুকের দুধ পান করান, তবে আপনার স্বাস্থ্যসেবা প্রদানকারীর সাথে বিকল্পগুলো নিয়ে আলোচনা করুন।

## কমিনোর্টির উপাদানগুলো কী কী?

কমিনোর্টিতে নিম্নলিখিত উপাদানগুলো থাকে:

- মেসেঞ্জার রাইবোনিউক্লিক এসিড (mRNA)
- লিপিড (((4-hydroxybutyl)azanediyl)bis(hexane-6,1-diyl)bis(2-hexyldecanoate), 2 [(polyethylene glycol)-2000]-N,N-ditetradecylacetamide, 1,2-distearoyl-sn-glycero-3-phosphocholine, ও কোলেস্টেরল)
- ট্রোমোথামাইন
- ট্রোমোথামাইন হাইড্রোক্সোরাইড
- সূক্ষোজ

কমিনোর্টিতে প্রিজার্ভেটিভ থাকে না।

গ্রহীতা ও পরিচর্যাকারীদের জন্য এই তথ্য আপডেট করা হতে পারে। গ্রহীতা ও পরিচর্যাকারীদের জন্য সর্বশেষ তথ্য পেতে অনুগ্রহ করে

<https://dailymed.nlm.nih.gov/dailymed/> ভিজিট করুন।

আপনার কোনো প্রশ্ন থাকলে, স্বাস্থ্যসেবা প্রদানকারীর সাথে কথা বলুন বা [www.COMIRNATY.com](http://www.COMIRNATY.com) ভিজিট করুন বা 1-877-VAX-CO19 (1-877-829-2619) নম্বরে কল করুন।

# BIONTECH

যার জন্য প্রস্তুত করা হয়েছে

BioNTech Manufacturing GmbH

An der Goldgrube 12

55131 Mainz, Germany



প্রস্তুতকারী

Pfizer Inc., New York, NY 10001

LAB-1587-1.0

US Govt. লাইসেন্স নং 2229